

'Bosanski mamurluk' Zakonske odredbe o akcizama oštetile hemijsku industriju u BiH

Autor: 18.09.2013 - 10:40



Negativni aspekt Zakona o akcizama u BiH vezan za denaturisani alkohol oštetio je cijelu hemijsku industriju u BiH, zaključak je analize koju je pod nazivom "Bosanski mamurluk" uradio istraživački centar "Populari".

Hemijska industrija je jedan od glavnih nosioca bh. ekonomije sa izvozom većim od 500 miliona KM u 2012. godini. U isto vrijeme, njen razvoj je otežan usljed nepovoljnih zakonskih odredbi. Zakon o akcizama u BiH je stupio na snagu 1. januara 2005. godine, i time je prikupljanje prihoda od akciza centralizirano na području cijele BiH. Dodatni amandmani na postojeći zakon su usvojeni u ljeto 2009. godine.

Negativni aspekt tog zakona vezan je za dio koji se odnosi na denaturisani alkohol, koji je oštetio čitavu hemijsku industriju. Da bi se proizveo čitav niz hemijskih proizvoda, kompanijama su potrebni različiti sastojci od kojih je denaturisani alkohol jedan od ključnih.

Denaturisani alkohol je u osnovi hemijski sastav koji je prošao proces koji takav alkohol čini nepitkim, što znači da može biti upotrijebljen samo u industrijskoj proizvodnji.

"Protivno zdravom razumu, ovaj alkohol je u BiH tretiran jednako kao i onaj od kojeg se prave alkoholna pića (vino, viski) koja možete kupiti u supermarketu. BiH je nametnula visoku akciznu stopu od 15 KM za jednu litru uvezenog apsolutnog alkohola, neovisno od toga da li se koristi kao repromaterijal u hemijskoj industriji ili za proizvodnju alkoholnih pića" - navodi se u izvještaju.

U praksi, ovo znači da ukoliko bi hemijska kompanija odlučila uvesti jednu cisternu denaturisanog alkohola sa kapacitetom od 35.000 litara, vlasnik kompanije bi morao platiti akcizu u iznosu od 525.000 KM pored same cijene alkohola od 70.000 KM.

Drugim riječima, akciza na alkohol čini skoro 88 posto cijene i nije iznenađenje da mnoge kompanije ne mogu priuštiti uvoz ovog sastojka.

Kao rezultat toga, kompanije su prisiljene da ili u potpunosti obustave uvoz i zaustave proizvodnju čitavog niza proizvoda koji zahtijevaju upotrebu denaturisanog alkohola ili da nastave sa uvozom pri tome trpeći velike gubitke.

Analiza samo tri proizvoda u hemijskoj industriji koji čine tek 9,12 posto ukupnog trgovinskog obima ovog sektora, otkriva da su gubici kompanija u posljednjih devet godina veći od 37 miliona KM.

Kompanije koje nastave uvoz uprkos visokim porezima su prisiljene improvizovati i plaćaju firmama iz Slovenije i Hrvatske za usluge obrade ovog sastojka koji se onda uvozi kao finalni proizvod na koji se ne plaća akciza. Pri tome bh. firme trpe gubitke veće od 30 posto prodajne vrijednosti umanjujući profitabilnost svog poslovanja.

"Do danas su pokušaji lobiranja u cilju konačnog rješavanja ovog problema ostali neuspješni. Jednom kada BiH uđe u pregovore sa EU, usvajanje evropskih standarda će riješiti i ovo pitanje. Ali do tada, postoji toliko malih koraka koje možemo napraviti i sami. Ova studija slučaja pokazuje da postoji način da počnemo taj proces" - navodi se u analizi "Popularija".

(Fena/MOJportal)



Dodaj komentar...

Komentarišite koristeći...

Facebook društveni dodatak

**Klikni Like i pratite dnevne novosti
 na facebook-u!**

Najnovije	Najčitanije	Popularno	Facebook
13:27	Sutra počinje humanitarna manifestacija "Umjetnici za bolnicu"		
13:21	Potvrđeno: Zmajevi igraju na stadionu u Vlijunusu koji prima 9.000 gledalaca		
13:20	Nakon Hrvatske pala i Srbija		
13:19	Igra brojeva: Messi želi veću platu od one koju ima Cristiano Ronaldo		
13:17	Pato: Milanovi lječari su mi uništili karijeru, ti ljudi nemaju strpljenja		
13:11	Izgradnja Bihacke ulice i kanalizacione mreže u naselju Stari grad		

Marketing



Građani postavili sačekuše manjaku s Kovačića



Tužilaštvo KS analizira dokaze protiv Mikulića



Banja Luka od danas zadužena za novih 42,6 miliona KM



Dvije sedmice do Bruxellesa: Zadnja šansa za spas obraza?!



Valentin Inzko o dogovoru Tihić-Čović: Podržavam sve što je konstruktivno



Radnici ZOI-ja prijete blokadom Zetre



Tihiću, Čoviću, ko ste vi, odakle vam pravo i jeste li pri sebi?

Report.ba
Report Like 8,505